



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Filij Dei, seipsum totum in cruce profundentis, incredibilis nostri
dilectio.

[urn:nbn:de:hbz:466:1-47123](#)

fti meritis) in manu nostra esse: nisi forte sumus ita vecordes, aut tam fastidiosi osores felicitatis nostræ, ut, cum ille nobis per omnia bene cupiat, ipsi miseri & infelices, quam beati & felices, esse malimus.

§. 2.

Fili⁹ Dei, seipsum totum in cruce profundentis, incredibilis nostri dilectio.

JAM ex parte Christi Domini ac Salvatoris nostri, quanta rursum nobis nascitur salutis fiducia?

Primo enim qui ita dilexit nos, ut nobis à morte sempererna redimendis, seipsum daret in pretium, & venarum suarum ac cordis sui omnem sanguinem eā causā profunderet, & ipsam denique dilectam animam suam traderet in manus inimicorum ejus; non deseret utique sub umbram alarum ejus confugientes, & in ejus passione ac morte spem omnem suam reponentes.. Nimirum in manibus suis descripsit nos; neque oblivisci poterit filiorum uteri sui; eorum inquam, quos in cruce moriens, per summos dolors & angustias viscerum suorum, Deo cœloque quodammodo parturierit. ut ijdem scilicet illi sint filij dexteræ sive felicitatis, quos ut filios aspicit supremi doloris sui.

Secundò: Atque huic confirmando exaugendoque fiduciaz argumento, plurimum id confert: quod idem amantissimus Salvator, non utcunque pro omnibus nobis, sed pro singulis nostris privatim & quasi separatim mortuus sit; ut cuique liceat fiderent cum Apostolo dicere: *In fide vivo Filij Dei: qui dilexit me, & tradidit semeripsum pro me.* Eò videlicet, quod (ut quidem sentit S. Joannes Chrysostomus, atque ex alijs idem licebit colligere) mors ejus & passio singulis nostris perinde valuerit, atque si duntaxat pro uno quolibet nostris illam subiijset; atque ita quemlibet dilexerit, ut vel pro unius cuiuslibet salute, semeripsum prome-

Gal. 2.

promptè atque libenter trādīsset. Hæc enim sunt Chrysostomi verba locum illum Apostoli exponentis: *Declarat hoc quoque par esse, ut quaque nostrum non minus agat gratias Christo, quam si ob ipsum solum advenisset.* Non enim re-
cusaturus erat, vel ob unum tantum exhibere dispensationem: adeò singulū quemque hominem pari charitati modo dilexit; quo dilexit orbem universum. Quibus affinia sunt illa S. Ambrosij in loco superius laudato, de ipso Patre ita loquentis:
Mirè etiam addidit, scilicet Apostolus: Pro nobis omnibus L. 1. de Ja-
tradidit illum: ut ostenderet (inquit) quod ita omnes diligat, cib. c. 6.
ut dilectissimum sibi Filium pro singulis traderet.

Tertiò: Hinc verò etiam (de quo equidem dubitare Blof. sp̄ec. non possum; traditque expressè Abbas Blofius, & noster sp̄ir. c. 10. Alphonsus Rodrigues) in cruce pendens sese pro singulis oblitus Patri, de nostrum singulis, de te, de me nominatim Rodrigh. recogitans, tuaque ac meæ salutis negotium (ut vel sic ostenderet, quantopere ea ipsi cordi esset) specialiter Patri commendans. Quod quidem ei non erat difficile, ob singularē rerum omnium comprehensionem, omnes perpetuò ob mentis oculos habenti, & ob immensum amorem suum, ad singulos eorum, pro quorum salute moreretur libenter animum attendentī.

Proinde ut olim summus Sacerdos, qui Christi figuram gerebat, sanctuarium ingrediens portabat supra pectus suum, vel (ut in Hebræo est) supra cor suum, certis gemmis insculpta nomina filiorum Israël; ut ad Deum accedens eorum memor existeret, ac tribus omnes sigillatim Deo repræsentaret: *Portabit Aaron (inquit sacer textus) Exod. 28. nomina filiorum Israël in rationali judicij super pectus suum, quando ingredietur sanctuarium, memoriale coram Domino in eternum.* Ita dicere possumus in rem nostram: Summum nostrum Pontificem JESVM, dum in ara crucis sese hostiam Deo pro mundi salute obtulit, omnium nostrum nomina

G g

por-

portasse supra cor suum, uniuscujusque in illo summo ac generali sacrificio commemorasse, omnes nos Patri suo amantissimo, velut sanguine suo, quem eo momento reip̄i pro nobis effunderet, conspersos repräsentasse. Neque aliter sanè nunc facere, ingressum in sancta non manufacta, ut appareat vultui Dei pro nobis; pro salute nostrâ suscepta ac retenta vulnera eidem assidue exhibentem, in qua nos omnes nominatim descriptos, imò in ipso corde suo, tanquam in rationali pectoris sui, ad indeleibilem memoriam insculptos, repräsentantem.

Quarid: Ex quo rursus nova suboritur acuendae sp̄i ac fiduciæ ratio: cùm attendimus Agnum illum immaculatum perpetuò in Patris oculis tanquam occisum affluisse, eoque vulnerum suorum notas ac cicatrices, etiam in carne sua gloriofa, retinuisse ac cœlo intulisse, ut in Patris conspectu semper quasi crucifixus appareat, & salutem nobis efficacius exoret, nostræ premium libertatis ostendens, & sanguinis sui stipendia de paterna manu reposcens. Sic enim præclarè autor sermonis de baptismo Christi apud Cyprianum: *Sacrificium (inquit) quod in carne obtulit, si in beneplacito Dei constat acceptabile, ut non minus bode in confecta Patris oblatio illa sit efficax, quam eâ die quâ de saeculo latere sanguis & aqua exivit; & semper reservata in corpore Christi plague, salutis humanae exigunt premium, & obedientiam donativum requirunt.*

Itaque qui semel pro peccatis nostris mortuus est, semper vivit ad interpellandum pro nobis; eoque impellas plagarum notas, velut vivam quandam mortis sue imaginem, reservat in suo corpore; ut eo tanquam immolati habitu, penetrans in Sancta Sanctorum, in intima quasi Divinitatis adyta, paternum cor admoneat, urgeat, sollicitet; dum causam nostram expediat, nostræque salutis negotium in tuto ponat. Quâ contemplatione non uno loco adduciam

duciam nos hortatur Apostolus. Quippe qui ad Hebreos scribens, ex eo quod habeamus Pontificem magnum, JESUM Heb. 4. Filium Dei, qui & infirmitates nostras in se suscepit easq; expertus sit, & jam cœlos Patrem pro nobis exoratus penetraverit; continuò infert: Adeamus ergo cum fiducia ad thronum gratia; ut misericordiam consequamur, & gratiam inveniamus in auxilio opportuno. Et alio in loco ejusdem epistolæ: Habentes (inquit) fiduciam in introitu Sanctorum Heb. 10. in sanguine Christi, quam initiavit nobis viam novam, & viventem per velamen, id est carnem suam, & Sacerdotem magnum super dominum Dei: accedamus cum vero corde, in plenitudine fidei &c. Et ad Romanos etiam expressius: Quis accusabit, inquit, adversus electos Dei? Iesus qui justificat; quis tribus qui condemnnet? Christus JESUS, qui mortuus est, immo qui & resurrexit, qui est ad dexteram Dei, qui etiam interpellat pronobis. Quis ergo nos separabit à charitate Christi? & quæ sequuntur.

Ultimo loco: ponderari possunt & illa ejusdem S. Pauli verba ad Corinthios scribentis: Quoniam quidem Deus erat in Christo mundum reconcilians sibi, non reputans illis delitiam ipsorum; & posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Observamus pro Christo, reconciliamini Deo. Quibus quidem verbis, ingens, sive in Deo Patre, sive in ipso Filio, nos ad salutem adducendi desiderium, & tanquam ardor eluet, cum anxia cura & sollicitudine conjunctus. Nam in illis primis: Iesus erat in Christo mundum reconcilians sibi; equidem mihi intueri video, per omnes sacrae economiae partes, pro salute nostra in ipso Christo operosam, sagacem, & quasi solicitam divinitatem. At postremis verbis Christum ipsum induci video, non quomodounque salutem nostram cupientem, aut ipsam reconciliationis gratiam ultra nobis offerentem; verum etiam, ut recon-

ciliari Deo & Salvatori velimus, quodammodo obsecramen-
tem. Quid enim aliud est: *Obsecramus pro Christo;* nisi
vice Christi, cuius ad hoc legatione fungimur, & quasi ipso
Christo obsecrante per nos? Prorsus ut in ipsum injurias
esse convincatur, qui ei diffidat tanquam salvare nolentis;
qui præ studio nostræ salutis, velut oblitus dignitatis suæ,
etiam descendit ad preces, etiam obsecrat, ut salvare
velimus.

Verum hic facere non possum, quin huic loco confor-
mando præclara quædam sæpe in hoc capite laudati Medio-
lanensem Antistitis sanctissimi, verba subijciam, eodem ar-
gumento nos in hunc modum ad fiduciam erigentis: *Co-*
sidera quem Iudicem habeas. Nempe Christo dedit Pater s-
ue judicium. Poterit te ergo ille damnare, quem redemit à
morte, pro quo se obiulit, cuius vitam sive mortis mercedem sibi
cognoscit? Nonne dicet: *Quæ utilitas in sanguine meo, si*
damno quem ipse salvavi? deinde consideras judicem, non con-
sideras advocationem. Potest iste seriorem ferre sententiam, quæ
interpellare non definit, ut paternæ reconciliationis in nos con-
feratur gratia? Hæc Ambrosius sanè quam præclaræ,

L. r. de Ja-
cob c. 6.

§. 3.

Nonnulla sancte sibi semina, ex donata nobis à Deo
bona v'untate.

POSSUMUS denique nonnullo habito ad nos ipsos respectu
cam quam in Christi Salvatoris morte collocatam hab-
mus salutis fiduciam, non parum accendere & corroborare:
non quasi in nobismetipsis, extra divinam misericordiam Christique merita, spem ullam debeamus reponere;
sed quod Dei gratia ac beneficio iijam simus, ut salutem no-
bis Unigeniti sanguine partam, congruenter à Deo speramus
atque expectare possimus.

Primo enim ei, qui, abdicatis prioris ætatis flagitiis,

13